



20

ডাকসু নির্বাচনে আজ মনোনয়নপত্র প্রত্যাহারের শেষ দিন

ছাত্র সংগ্রাম পরিষদে সমঝোতা প্রতিষ্ঠা তবে হল সংসদে জটিলতা কমেনি

।। স্টাফ রিপোর্টার ।।

ডাকসু নির্বাচনে আজ মনোনয়নপত্র প্রত্যাহারের শেষ দিন। পদ বন্টনের জটিলতায় আক্রান্ত ছাত্র সংগ্রাম পরিষদ পর পর দু'দিনের সভায় দীর্ঘ আলোচনার পর কিছুটা সমঝোতায় পৌঁছেছে। সে প্রেক্ষিতে সুলতান-মুশতাক পরিষদের কোন কোন প্রার্থী আজ প্রার্থীপদ প্রত্যাহার করবেন বলে জানা গেছে। মোস্তফা-ফিরোজ পরিষদ এবং মাসরুর-জসীম পরিষদের ভিপি জিএস প্রার্থীদের প্রার্থী পদ প্রত্যাহার করার কথা। আর এই দুই পরিষদের কয়েকজনকে সুলতান-মুশতাক পরিষদে অন্তর্ভুক্ত করা হতে পারে।

আখতারুজ্জামানের আশীর্বাদপুষ্টি রাজা-রানা পরিষদের সবাই মনোনয়নপত্র প্রত্যাহার করবেন। এবারের নির্বাচনে এই পরিষদের কেউ কোন পদ গ্রহণে আগ্রহী নন। শেষ পঃ ৩-এর কঃ দেখুন।

ডাকসু নির্বাচন

প্রথম পৃষ্ঠার পর

ডাকসু নির্বাচনকে সামনে রেখে ঢাকা বিশ্ববিদ্যালয় এলাকা এখন সভা-সমাবেশ আর আলোচনা-সমালোচনায় সরগরম। দেয়াল-লিখন শুরু হয়েছে বেশ কয়দিন আগে থেকেই। পোস্টার, ফেস্টুন, ব্যানারও এখন ক্যাম্পাসে শোভা পাচ্ছে। গতকালও জাতীয়তাবাদী ছাত্র দলের দুদু-রিপন পরিষদসহ বিভিন্ন প্যানেলের পক্ষ থেকে ক্যাম্পাসে মিছিল বের হয়েছে। জনপ্রিয় ফুটবল তারকা কায়সার হামিদকে সামনে নিয়ে গতকাল ঢাকা বিশ্ববিদ্যালয় এলাকায় বড় ধরনের একটি মিছিল ছাত্র-ছাত্রীদের দৃষ্টি আকর্ষণ করেছে।

দুদু-রিপন পরিষদের জীড়া সম্পাদক পদপ্রার্থী কায়সার হামিদ মিছিল শেষে মধুর কেণ্ডিনের সামনে এক সমাবেশে বক্তৃতায় খেলাধুলায় বিশ্ববিদ্যালয়ের হারানো গৌরব ফিরিয়ে আনার সংকল্প বাস্তব করেন। অপরদিকে সুলতান-মুশতাক পরিষদের জীড়া সম্পাদক মানিকের সমর্থনেও গতকাল ক্যাম্পাসে একটি মিছিল বের হয়।

গতকাল সকাল ৯টার দিকে ইসলামী ছাত্র শিবির শামসু-আমিন পরিষদের সমর্থনে একটি মিছিল বের করলে কতিপয় যুবক হামলা চালায়। এতে বেশ কয়জন শিবিরকর্মী আহত হন। এই হামলার প্রতিবাদে জাতীয় প্রেস ক্লাবের সামনে এক সমাবেশে শিবিরের সভাপতি শামসুল ইসলাম হামলার জন্য ছাত্র সংগ্রাম পরিষদকে দায়ী করেন। তিনি ব্যালটের মাধ্যমে সম্ভ্রাস সৃষ্টিকারীদের প্রত্যাখ্যান করার আহবান জানান।

এদিকে ডাকসু নির্বাচনকে কেন্দ্র করে ছাত্র সংগ্রাম পরিষদ চারপাশে বিভক্ত হয়ে পড়লে ৮ দল ও ৫ দলের কোন কোন প্রভাবশালী নেতা পুনরায় একাবদ্ধ হওয়ার জন্য ছাত্র নেতৃবৃন্দের ওপর চাপ প্রয়োগ করেন। সেই প্রেক্ষিতে ছাত্র সংগ্রাম পরিষদ শুক্রবার রাতে বাসদ অফিসে এবং গতকাল ডাকসু অফিসে দীর্ঘ আলোচনার পর মোটামুটি সমঝোতায় পৌঁছে। রাজা-রানা পরিষদ আজ এক সাংবাদিক সম্মেলনে তাদের বক্তব্য পেশ করবে। এই পরিষদভুক্ত একজন ছাত্র নেতা বলেন, ছাত্র সংগ্রাম পরিষদে একজন নেত্রীর চাপিয়ে দেয়া সিদ্ধান্ত তথা অগণতান্ত্রিক রাজনীতি চর্চার প্রতিবাদেই আমরা পৃথক প্যানেল দিয়েছিলাম। এখন জামায়াত-শিবিরের সহায়ক শক্তিকে মোকাবেলা করার লক্ষ্যেই একাবদ্ধ হয়েছি। তবে হল সংসদে প্রার্থীপদ প্রত্যাহার করে একাবদ্ধভাবে সংগ্রাম পরিষদের প্যানেল দেয়া জটিল ব্যাপার বলে তিনি উল্লেখ করেন।